



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o utvrđivanju posebnog značaja za Grad Sarajevo**  
**za Udruženje Kali Sara – Romski informativni centar**  
**(Prijedlog)**

**Predlagač:** Gradonačelnica  
**Obradivač:** Gradska služba za lokalnu samoupravu

**Sarajevo, novembar 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), kao i na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21), Gradsko vijeće Grada Sarajeva, na \_\_. sjednici održanoj dana \_\_. \_\_. 2023. godine, donijelo je:

**(Prijedlog)**

**Odluku  
o utvrđivanju posebnog značaja za Grad Sarajevo  
za Udruženje Kali Sara – Romski informativni centar**

**Član 1.**

Ovom odlukom utvrđuje se da je Udruženje Kali Sara – Romski informativni centar od posebnog značaja za Grad Sarajevo, kao organizacija čija je misija podizanje obrazovnog, političkog i socio-ekonomskog statusa romske populacije, s ciljem postizanja punopravnosti i jednakosti Roma kao članova bosanskohercegovačkog društva, a na taj način ova organizacija doprinosi i afirmaciji Grada Sarajeva kao multikulture i multietničke sredini, te time ujedno doprinosi i jačanju tolerancije, kao i razvoju demokratskog društva, što su vrijednosti od posebnog značaja za Grad Sarajevo.

**Član 2.**

Djelatnosti Udruženja Kali Sara – Romski informativni centar sufinansiraju se iz sredstava Budžeta Grada Sarajeva, iznosom od 5.000 KM (pethiljada KM), tokom više budžetskih godina, dok Udruženje ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

**Član 3.**

Nadzor nad provedbom Odluke vrši gradonačelnica Grada Sarajeva putem nadležne službe, Gradske službe za lokalnu samoupravu.

**Član 4.**

Izmjene i dopune Odluke vrše se na način i po postupku za njeno donošenje.

**Član 5.**

Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVALJUĆI GRADSKOG VIJEĆA**

**Jasmin Ademović**

Broj:  
Sarajevo, \_\_. \_\_. 2023. godine

## **O B R A Z L O Ž E N J E**

### **PRAVNI OSNOV**

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo, čijom odredbom je, između ostalog utvrđeno da Gradsko vijeće Grada Sarajeva donosi konačnu odluku o utvrđivanju posebnog značaja za određeno udruženje ili fondaciju, na prijedlog gradonačelnice Grada Sarajeva.

### **RAZLOZI DONOŠENJA**

Udruženje Kali Sara – Romski informativni centar Sarajevo obratilo se gradonačelnici Grada Sarajeva Zahtjevom za sticanje statusa udruženja od posebnog značaja za Grad Sarajevo. Uz zahtjev su dostavljeni dokazi o ispunjavanju općih i posebnih uslova iz Odluke o načinu sticanja statusa udruženja i fondacija od posebnog značaja za Grad Sarajevo.

Udruženje Kali Sara – Romski informativni centar osnovano je 2009. godine u sklopu projekta „Podrška romskoj nacionalnoj manjini u efektivnom zagovaranju i izvještavanju“, koji je podržan od strane US Department of State i World Vision US.

Kali Sara – RIC od svog osnivanja radi na zagovaranju efikasnije primjene zakona o zaštiti prava pripadnika nacionalnih manjina u BiH, kao i na provođenju javnih politika i strateških programa, poput međunarodne Dekade uključenja Roma 2005.-2015., Nacionalnog akcionog plana BiH za rješavanje problema s kojim se suočavaju Romi u BiH, kao i strateškog okvira EU za jednakost, uključivanje i sudjelovanje Roma 2020.-2030. i Poznan Deklaracije za integraciju Roma za zapadni Balkan. Aktivnosti Udruženja Kali Sara – RIC su zagovaranje i lobiranje za rješavanje problema Roma u BiH kroz istraživanje i izvještavanje o realizaciji politika/strategija za rješavanje problema Roma, monitoring i evaluacija realizacije Strategije za rješavanje problema Roma, monitoring budžetskih izdvajanja, edukacija mladih, objavljivanje knjiga i drugih publikacija itd.

Gradonačelnica je, u skladu sa odredbama Odluke o načinu sticanja statusa udruženja i fondacija od posebnog značaja za Grad Sarajevo i prijedlogom nadležne službe, uputila Gradskom vijeću Grada Sarajeva prijedlog da se za Udruženje Kali Sara – Romski informativni centar Sarajevo utvrdi status od posebnog značaja za Grad Sarajevo. Vodeći računa o iznesenom, te cijeneći da navedeno udruženje svojim djelovanjem i definiranim ciljevima afirmiše vrijednosti multikulturalnosti, multietničnosti, tolerancije i demokratskog društva, kao vrijednosti od posebnog interesa i značaja za Grad Sarajevo, Gradsko vijeće Grada Sarajeva donijelo je ovu odluku.

### **FINANSIJSKA SREDSTVA**

Finansijska sredstva za realizaciju ove odluke obezbjeđuju se u Budžetu Grada Sarajeva.